



UKA2022/172

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpugut:

Apeqquteqaat aallaavigalugu oqallisissaq, qanoq iliorluni piujuaannartitsineq tunngavigalugu takornariaqarneq ineriartortinneqassava?

(Inatsisartunut gruppiat, Inuit Ataqatigiit)

Tunngavilersuut:

Kalaallit Nunaanni mittarfissualiortoqarnera peqqutaalluni takornariaqarnerup siuariartornissaa ilimagineqarpoq, taamaalillutalu siumut eqqarsarluta periusissianik suliaalluartunik pisariaqartitsivugut, politikikkummi nutarsaaneq pissusissamisuussammat.

Ukiuni kingullerni Covid-19 eqqarsaatigissanngikkaanni takornarialerisut ingerlalluuartorpassuupput, taamaakkaluartoq aporfiusinnaasut iliuuserineqarnissat Ukkatarineqartariaqarpoq..

Takornariaqarneq inuiaqatigiinni suliffissanik pilersitsisuuvoq suliassallu imaaginnaavipput. Takornarialerisut takornariallu pitsaanerpaamik sinaakkusersorneqarnissaat pisariaqarpoq.

Kalaallit Nunaanni takornarialerineq pillugu oqallinnissamut kissaateqarnitsinnut pissutaavoq, nunarsuarmioqataasutut takornariaqarnermi nunarput unammilleqataasinnaasariaqarmat, takornariaqarnerulernermilu pinngortitaq avatangiiserpullu eqqarsaatigilluartariaqaratsigit, pijuartitsisinermillu eqqarsaatigilluagaasunik sinaakkusiisariaqarluta.

Takornariaqarneq pillugu 2018-imi isumasioqatigiinnermi "Towards More Tourism" politikerinut immikkoortunik aqqanilinnik innersuussusiorput,

tamatumanilu ilaatigut qanoq ililluta takornariaqarneq ataatsimoorussamik siuarsarsinnaaneripput sammineqarpoq. ¹

Inuit Ataqtigiit isumaqarput qanoq nunatta takornariaqarneq iluanaarfiunersinnaanera ukkatarineqartariaqartoq.

Isumaqasioqatigiinnersuarmi nunatsinni piujuaannartitsineq tunngavigalugu takornariaqarnerup aaqqissuunnissaa pisariaqartutut nalilerneqarsimavoq. Imminermini tamanna paasinarluarpoq, tassami ullumikkut takornariarpasuit nunatsinnik soqtiginninnerat nuanneraluaqisoq pitsanngorsagassavut arlaqarput. Aperisariaqarpugut ilumut takornariartitsineq inuppassuarnik ataatsikkut tikittunik tunngaveqassanersoq kiisalu nunamik pisuussitsinnillu takornariat qanoq atuisarnerannut piunasaqaateqassanersugut.

Takornariartitsineq nunatta siuariartuutigisinnaalluarpaa ataqtigiissaakkamik nunat immikkoortuini suleqatigiikkutta. Takornariartitsineq avataaneersuinnarnit iluaqutigineqarani qanoq iliornikkut nunaqqatitsinnut iluaqutinngortinnerusinnaavarput, soorlu ilinniartitaanikkut ilisimatusarnikkullu, eqqumiitsuliortut sulinerannut, illoqarfimmilu innuttaasunit qanoq iluaqutigineqarsinnaava?

Sammisamut pingaaruteqaqisumut kinguneqarluartumik oqallilluarnissamik neriuuteqarpugut.

¹ [Towards More Tourism: netværk, inspiration og 11 anbefalinger - Traveltrade - Visit Greenland](#)